



**Nunat Avannarliit Killiit Siunnersuisoqatigiiffiata kaammattuutit aalajangersagaanik nr. 3/2023-mik Inatsisartut ilaliinissaannik siunnersuut**

**Nunat Avannarliit Killiit Siunnersuisoqatigiiffiata Savalimmiuni, Kalaallit Nunaanni Islandimilu naalakkersuisunut kaammattuutigaa**

**-nunani avannarlerni killerni avatangiisinut naalakkersuisut 2024-mi ataatsimeeqatigiissasut**

**-nunani avannarlerni killerni avatangiisinut naalakkersuisut nerisassanik maangaannartitsisarnerup annikillisinneqarnissaanut nunat ileqqorissaannut tunngatillugu misilittakkanik avitseqatigiissasut**

**-nunani avannarlerni killerni avatangiisinut naalakkersuisut nerisassanik maangaannartitsisarnerup annikillisinneqarnissaanut suliniutaasut eqqartussagaat taamaalillutillu Nunani avannarlerni inuussutissanik pilersuinerup isumannaatsuunerulernissaanut ikiuutaallutik**

(Aallartitat siulitaasuat Doris Jakobsen Jensen)

(Siullermeerneqarnera aappassaaneerneqarneralu)

Qujanaq nunani avannarlerni killerni siunnersuisoqatigiinni siulittaasooq siunnersuuteqarninnut.

Demokraatit isumaqatigaat, nerisassanik maangaannartitsisarneq nunarsuarmi tamarmik ajornartorsiutaasorujussuusoq. Isumaqataavuguttaaq, pingaaruteqartorujussuusoq, nunarsuarmi sumiluunniit suliniuteqartoqassappat, nerisassanik maangaannartitsisineq annikillisarfniarlugu. Nerisassanik maangaannartitsisarneq annikillineqarpat tamanna, silap qanoq issusaanut, avatangiisitsinnut aammalu aningaasarsiornermut iluaqutaassaqaq.

Pitsaassagalarpoq, nunani avannarlerni killerni suleqatigiinneq aqutugalugu misilittakkanik avitseqateqarnissaq oqaluuseralugulu, nerisassanik maangaannartitsisarneq qanoq annikillisarneqarsinnaanersoq. Isumaqanngilagulli, ornigulluni nunani avannarlerni killerni avatangiisinut naalakkersuisut ataatsimiinnissaat pisariaqartoq. Tassunga atasumik angalanermut aningaasanik atuinissaq tunngavissaqanngilaq.

Ataatsimiinnissaq eqqaaneqartoq taamaattumik internettikkut ingerlanneqartariaqarpoq.

Paasinnilluta siunnersuutip akuerineqarnissaa innersuussutigaarput.